



Avis d'occurrentza – Coppa mundiela da passlung FIS COOP Engiadina 2025

Da venderdi, ils 24 schner 2025 fin e cun dumengia, ils 26 schner 2025 haun lö **las cuorsas da la Coppa mundiela da passlung FIS COOP Engiadina** a Silvaplauna-Surlej. L'occurrentza ho lö i'l territori Crap da Sass, Chadaunchels e Crasta süls tragets da cuorsa homologios da la FIS.

Düraunt la montascha e demontascha scu eir düraunt l'occurrentza a partir dals 13 schner fin als 27 schner 2025 vegnan ils parkegis Foppas Ost e Punt da Surlej serros pel public. La via da Silvaplauna a Surlej e tuot ils access a las chesas a Surlej sun avierts sainza restricziuns düraunt quist temp. A partir da gövgia, ils 23 schner 2025 fin e cun dumengia, ils 26 schner es la loipa da cuorsa a Surlej serreda pel public. La serreda vela eir per peduns e possessuors da chauns. La loipa da colliaziun da Silvaplauna via Ova dal Sagl a Segl resta adüna avierta.

A vain arcumando da viager culs mezs publics per guardar l'occurrentza. Visitaduors motorisos paun parker lur veiculs aint illa chesa da parker Munterots. A vain organiso ün servezzan da trafic düraunt l'occurrentza.

Nus ingrazchains per l'incletta e'ns allegrains da Las/Als pudair bivgnanter a la Coppa mundiela da passlung FIS COOP Engiadina.

La vschinauncha da Silvaplauna

Silvaplauna, ils 4 schner 2025